



Broj: 01-02.3-6584-2/16

Datum: 29.8.2016.godine

U skladu sa članom 100. stav (3) Zakona o javnim nabavkama („Službeni glasnik BiH“, broj 39/14) u daljem tekstu: ZJN, rješavajući po žalbi ponuđača „Ecoplan“ d.o.o. Mostar od 2.8.2016.godine dostavljene 3.8.2016.godine izjavljene na Odluku o dodjeli ugovora za usluge izrade lokacijskog plana upravljanja okolišem i društvenim aspektom, uključujući monitoring za dionicu Neum-Stolac, Uprava donosi:

ODLUKU

Usvaja se žalba ponuđača „Ecoplan“ d.o.o. Mostar od 2.8.2016.godine dostavljena 3.8.2016.godine izjavljena na Zapisnik o ocjeni ponuda i Odluku o dodjeli ugovora za usluge izrade lokacijskog plana upravljanja okolišem i društvenim aspektom, uključujući monitoring za dionicu Neum-Stolac, kao osnovana i poništava se Zapisnik o ocjeni ponuda, Odluka o dodjeli ugovora I tenderska dokumentacija.

O b r a z l o ž e n j e

U skladu sa članom 88. Stav 2. Zakona o javnim nabavkama-ZJN („Službeni glasnik BiH“, broj 39/14) JP CFBiH (Ugovorni organ) je na osnovu odluke o pokretanju postupka predmetne nabavke proveo konkurentski postupak. Obavještenje o nabavci je objavljeno na portalu javnih nabavki dana 10.6.2016.godine.

Nezadovoljan dostavljenim Zapisnikom o ocjeni ponuda i Odlukom o dodjeli ugovora ponuđač Ecoplan d.o.o. Mostar je nakon uvida u ponudu obavljenog 1.8.2016.godine uložio žalbu 2.8.2016.godine koja je dostavljena ugovornom organu 3.8.2016.godine.

Žalba je dopuštena i izjavljena od ovlaštenog lica.

Žalitelj navodi da ponuđač ENOVA d.o.o. Sarajevo nije ispunio uslov iz Projektnog zadatka jer nije ponudio dovoljan broj uzorka zemlje koji je tražen da bude u skladu sa okolinskom dozvolom.

Postupajući po Žalbi, razmotreni su navodi iz žalbe, izvršen uvid u kompletnu dokumentaciju, te je izvršena analiza dokaza, a u odnosu na navod i propisani zakonski postupak, te je utvrđeno da je žalba osnovana.

Ponovnim razmatranjem ponuda i tenderske dokumentacije, na osnovu žalbe konstatovano je da su strukture cijene ponuđene u dostavljenim ponudama, različite i neuporedive, te da u tenderskoj dokumentaciji nije precizirana količina po pozicijama, te da se odluka o dodjeli ugovora ne može donjeti.

Zbog navedenog smatramo da je žalba osnovana, te se Zapisnik o ocjeni ponuda, Odluka o dodjeli ugovora, tenderska dokumentacija I postupak nabavke poništava u skladu sa Članom 69 stav (2) tačka f.

Pouka o pravnom lijeku:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.



Direktor

Ljubomir Pravdić, dip.ing.građ.

Dostavljeno:

1. „Ecoplan“ d.o.o. Mostar
2. Ponuđačima
3. a/a